



Broj: 12-11-15-1528/22

Sarajevo, 26. 5. 2022. godine

Na osnovu člana 70. i člana 89. stav (3) Zakona o javnim nabavkama („Službeni glasnik BiH“, broj 39/14) i preporuke Komisije za provođenje postupka javne nabavke telekomunikacijskih usluga putem konkurentskog zahtjeva za dostavu ponuda, za potrebe Ureda za reviziju institucija u Federaciji Bosne i Hercegovine za budžetsku 2022. godinu (obavještenje o javnoj nabavci broj: 296-7-2-28-3-13/22 objavljeno je na Portalu javnih nabavki 8. 4. 2022. godine i ispravka obavještenja o nabavci broj: 296-7-2-28-8-16/22 od 22. 4. 2022. godine) iz Zapisnika o pregledu i ocjeni ponuda, broj 12-11-15-827-13/22 od 25. 5. 2022. godine, generalni revizor donosi

ODLUKU

o izboru najpovoljnijeg ponuđača za javnu nabavku telekomunikacijskih usluga za LOT 1, LOT 2, LOT 3 i LOT 4

I

U postupku javne nabavke telekomunikacijskih usluga putem konkurentskog zahtjeva za dostavu ponuda za potrebe Ureda za reviziju institucija u Federaciji Bosne i Hercegovine za budžetsku 2022. godinu (u daljem tekstu: Ugovorni organ) donio je odluku o izboru najpovoljnije ponude, i to:

- za LOT 1 – Usluge pristupa internetu u Sarajevu, Tuzli i Bihaću – „BH Telecom“ d.d. Sarajevo za ponuđenu cijenu 8.999,68 KM bez obračunatog PDV-a;
- za LOT 2 – Usluge pristupa internetu u Mostaru – JP Hrvatske telekomunikacije d.d. Mostar za ponuđenu cijenu 944,00 KM bez obračunatog PDV-a;
- za LOT 3 – Usluge mobilne telefonije – „BH Telecom“ d.d. Sarajevo za ponuđenu cijenu 1.428,80 KM bez obračunatog PDV-a;
- za LOT 4 – Usluge fiksne telefonije u Sarajevu, Tuzli i Bihaću – „BH Telecom“ d.d. Sarajevo za ponuđenu cijenu 5.145,05 KM bez obračunatog PDV-a.

II

Zadužuje se Odjeljenje za pravne i opće poslove i ljudske resurse da ovu odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

III

Ova odluka stupa na snagu danom potpisivanja i bit će objavljena na službenoj internet stranici Ureda za reviziju institucija u Federaciji Bosne i Hercegovine, <http://www.vrifbih.ba/>.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ), u skladu s odredbama Zakona o javnim nabavkama („Službeni glasnik BiH“, broj 39/14) i Odlukom broj: 12-11-15-827/22 od 17. 3. 2022. godine, pokrenuo je postupak za javnu nabavku telekomunikacijskih usluga putem konkurentskom zahtjeva za dostavu ponuda za budžetsku 2022. godinu. Predmet nabavke podijeljen je na pet lotova:

- LOT 1 – usluge pristupa interneta u Sarajevu, Tuzli i Bihaću,
- LOT 2 – usluge pristupa interneta u Mostaru;
- LOT 3 – usluge mobilne telefonije;
- LOT 4 – usluge fiksne telefonije u Sarajevu, Tuzli i Bihaću;
- LOT 5 – usluge fiksne telefonije u Mostaru.

U skladu sa odredbama člana 35. Zakona o javnim nabavkama, Obavještenje o javnoj nabavci broj: 296-7-2-28-3-13/22 objavljeno je na Portalu javnih nabavki 8. 4. 2022. godine, uz upućivanje poziva za dostavu ponuda na adrese potencijalnih ponuđača.

Ispravka obavještenja broj: 296-7-2-28-8-16/22 objavljena je na Portalu javni nabavki 22. 4. 2022. godine
Postupak je provela Komisija imenovana Rješenjem generalnog revizora broj 12-11-15-827-2/22 od 31. 3. 2022. godine, koja je sačinila: Zapisnik o zaprimanju ponuda broj: 12-11-15-827-11/22 od 10. 5. 2022. godine, Zapisnik o otvaranju ponuda od 10. 5. 2022. godine, Zapisnik o kvalifikaciji ponuđača - Analitički prikaz traženih i dostavljenih dokumenata broj: 12-11-15-827-12/22 od 12. 5. 2022. godine i Zapisnik o pregledu i ocjeni ponuda br. 12-11-15-827-13/22 od 25. 5. 2022. godine.

Uvidom u dostavljeni Zapisnik Komisije o pregledu i ocjeni ponuda utvrđeno je:

- na protokol Ugovornog organa ponude su dostavila dva ponuđača i to: JP Hrvatske telekomunikacije d.d. Mostar za LOT 2, LOT 3 i LOT 5 i „BH Telecom“ d.d. Sarajevo za LOT 1, LOT 3 i LOT 4;
- ponuđač „BH Telecom“ d.d. Sarajevo ispunjava zahtjeve iz TD za LOT 1, LOT 2, LOT 3 i LOT 4;
- ponuđač JP Hrvatske telekomunikacije d.d. Mostar ispunjava zahtjeve iz TD za LOT 2, dok za LOT 3 ne ispunjava sve zahtjeve iz TD;
- u dostavljenoj ponudi za LOT 3 - Usluge mobilne telefonije, ponuđač JP Hrvatske telekomunikacije d.d. Mostar nije u Aneksu III u tabeli „Popis zahtjeva predmeta nabavke“ ponudio dužinu tarifnog intervala od 1 (jedne) sekunde (obračunska jedinica) prema svim mobilnim mrežama u BiH (redni broj u tabeli 25.), niti mogućnost prijenosa nepotrošenih minuta za pozive u okviru pretplate u naredni mjesec (redni broj u tabeli 27.) što je zahtijevano u tehničkoj specifikaciji - članom 68. stav 4. pod i) Zakon o javnim nabavkama propisano je: „Ugovorni organ dužan je odbaciti zahtjev za učešće ili ponudu i u sljedećim slučajevima kad: ... ponuda nije potpuna i ne ispunjava zahtjeve iz tenderske dokumentacije.“
- članom 3. stav. (3) Pravilnika o uslovima i načinu korištenja e-aukcije ("Službeni glasnik BiH", broj: 66/16), propisano je: "U slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona."
- s obzirom da je u predmetnom postupku nabavke za LOT 1, LOT 2, LOT 3 i LOT 4 Ugovorni organ primio jednu prihvatljivu ponudu e-aukcija se nije mogla zakazati;
- cijene ponuda za LOT 1, LOT 2, LOT 3 i LOT 4 ne prelaze procijenjena sredstva ugovornog organa.

Komisija je odgovornoj osobi ugovornog organa predložila da u skladu sa članom 89. stav (3) Zakona o javnim nabavkama ugovor za LOT 1 – usluge pristupa interneta u Sarajevu, Tuzli i Bihaću, LOT 3 – usluge mobilne telefonije i LOT 4 – usluge fiksne telefonije u Sarajevu, Tuzli i Bihaću ugovor dodijeli ponuđaču „BH TELECOM“ d.d. Sarajevo, s obzirom da je Ugovorni organ primio jednu prihvatljivu ponudu za ove lotove i to ponudu ponuđača „BH TELECOM“ d.d. Sarajevo, a da za LOT 2 – usluge pristupa interneta u Mostaru ugovor dodijeli ponuđaču JP Hrvatske telekomunikacije d.d. Mostar, s obzirom da je Ugovorni organ primio jednu prihvatljivu ponudu za ovaj lot i to ponudu ponuđača JP Hrvatske telekomunikacije d.d. Mostar.

Na prijedlog Komisije Ugovorni organ je donio odluku kao u dispozitivu.

Pouka o pravnom lijeku:

U skladu sa članom 99. i članom 101. Zakona o javnim nabavkama protiv ove odluke može se uložiti žalba u roku od 5 (pet) dana od dana zaprimanja odluke.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.
Žalba se podnosi u dovoljnom broju primjeraka, a koji ne može biti manji od 3 (tri).

Dostaviti:

- „BH Telecom“ d.d. Sarajevo
- JP Hrvatske telekomunikacije d.d. Mostar
- u spis predmeta nabavke
- a/a

